

## UREDBA

# O UTVRĐIVANJU DUŽNOSTI, ODNOSNO POSLOVA NA KOJIMA SE PROFESIONALNIM VOJNIM LICIMA STAŽ OSIGURANJA RAČUNA SA UVEĆANIM TRAJANJEM

("Službeni list Crne Gore", br. 35/09 i 36/14)

### Član 1

Ovom uredbom utvrđuju se dužnosti, odnosno poslovi na kojima se profesionalnim vojnim licima staž osiguranja računa sa uvećanim trajanjem, postupak i način za njihovo utvrđivanje, kao i stepen uvećanja staža osiguranja.

### Član 2

Dužnosti, odnosno poslovi profesionalnih vojnih lica kojima se svakih 12 mjeseci staža osiguranja u efektivnom trajanju, računa kao 18 mjeseci staža osiguranja su:

- 1) poslovi pilota, odnosno letača ili padobranca;
- 2) dužnosti pomorskog diverzanta u pomorskom odred;
- 3) dužnosti u četi specijalnih snaga;
- 4) dužnosti ronioaca;
- 5) dužnosti u rekompresionoj komori, odnosno barokomori - licima koja rade na ispitivanju i treniranju lica za odgovarajuće dužnosti u podvodnoj službi, ako na takvom ispitivanju i treniranju provedu najmanje 90 časova godišnje.

### Član 3

Dužnosti, odnosno poslovi profesionalnih vojnih lica kojima se svakih 12 mjeseci staža osiguranja u efektivnom trajanju, računa kao 16 mjeseci staža osiguranja su:

- 1) svi poslovi elektronskog izviđanja u jedinicama za elektronsko izviđanje i svi poslovi kriptozastite u jedinicama Vojske Crne Gore (u daljem tekstu: Vojska) i Generalštabu Vojske Crne Gore (u daljem tekstu: Generalštab),
- 2) obavještajni poslovi i poslovi vojne policije u jedinicama Vojske, Generalštabu i Ministarstvu odbrane.

### Član 4

Profesionalnim vojnim licima koja nijesu obuhvaćena odredbama čl. 2 i 3 ove uredbe a nalaze se na dužnostima, odnosno poslovima u jedinicama Vojske svakih 12 mjeseci efektivno provedenih na dužnostima računa se kao 15 mjeseci staža osiguranja.

### Član 5

Profesionalnim vojnim licima koja nijesu obuhvaćena odredbama čl. 2, 3 i 4 ove uredbe svakih 12 mjeseci efektivno provedenih na dužnosti računa se kao 14 mjeseci staža osiguranja.

### Član 6

Profesionalnom vojnom licu koje je, u skladu sa zakonom, raspoređeno van Vojske na poslove na kojima se staž osiguranja računa sa uvećanim trajanjem vrijeme provedeno u vršenju tih poslova računa se u staž osiguranja sa uvećanim trajanjem, na način i u obimu kako se to vrijeme računa drugim zaposlenim koji obavljaju takve poslove.

Ukoliko je profesionalno vojno lice, u skladu sa zakonom, raspoređeno van Vojske na poslove na kojima se staž osiguranja ne računa sa uvećanim trajanjem vrijeme provedeno u vršenju tih poslova računa se u staž osiguranja sa uvećanim trajanjem u skladu sa članom 5 ove uredbe.

### Član 7

Utvrdjivanje dužnosti, odnosno poslova na kojima se profesionalnim vojnim licima staž osiguranja računa sa uvećanim trajanjem i stepen uvećanja staža, izvršeno je saglasno Zakonu o Vojsci Jugoslavije ("Službeni list SRJ", br. 43/94, 28/96, 44/99, 74/99, 3/02 i 37/02 i "Službeni list SCG", br. 7/05 i 44/05) i propisima donijetim na osnovu tog zakona.

---

### **Član 8**

Profesionalnim vojnim licima kojima se staž osiguranja računao sa uvećanim trajanjem po dosadašnjim propisima, obezbjeđuje se ostvarivanje staža osiguranja sa uvećanim trajanjem pod uslovom da i dalje rade na dužnostima, odnosno poslovima na kojima se staž osiguranja računa sa uvećanim trajanjem utvrđen ovom uredbom.

### **Član 9**

Ova uredba stupa na snagu osmog dana od dana objavljivanja u "Službenom listu Crne Gore".

---